

- Quis me curabit? quis saucia corda levabit?
 10 Tu solus, domine, cujus prestant medicinę,
 Ut desperatis redeat vigor integritatis.
 En ego confusus antiquos cogito lusus,
 Quasque per etates varias feci levitates.
 Nil non temptavi, sed nec fore dulce putavi,
 15 Nilque fuit blandum, nisi constitit esse nefandum.
 Gustus et olfactus, auditus, visio, tactus,
 Nil michi fecerunt aliud nisi quod nocuerunt.
 Nam dum per gustum gula ventrem replet onustum,
 Inpletus venter mala suggerit impacienter,
 20 Et Veneris tēlum pectus transfigit anhelum,
 Dumque libidō furit ac me velut ignis inurit,
 A turpi Venere me non possit cohibere
 Transfodiens hasta Finees male corpora casta.
 Sed nec odoratus caret in me labe reatus,
 25 Quo sic erravi, quod vel Dathan superavi,
 Qui luit erratum terrę subito per hiatum.
 Insuper auditus semper peccare peritus,
 Uno tam diram verbo michi concitat iram,
 Ut pacis fēdus non redderet hic citharedus,
 30 Qui tangendo liram regis conpescuit iram.
 Quando per historiam lego cecatum Sedechiam,
 Miror tam vani quod sunt oculi michi sani,
 Sed quia iusticia tunc usus es in Sedechia,
 Nunc me clementer supportas et pacienter.
 35 Si tactus modicus in Oza reputatur iniquus,
 Archam ne caderet dum sustentando teneret,
 Dicere quid possum quoniam miser inter eos sum,
 Qui sacramenta tua tractant mente cruenta?
 Num talis laicus merito non esset iniquus?
 40 Ast ego peccator videor legis fore lator
 Et sublimatus per honorem pontificatus,
 Cujus honoris onus multo fero crimine pronus.
 Quippe quid injunctum michi sit, scio per caput unctum,
 Et qua lege data michi sit manus ista sacrata,
 45 Cur pes ornatus, cur scādaliis decoratus.
 Sed quę pretendo specie cultuque verendo,
 Non ago non operor: super hoc ergo michi meror
 Et dolor est mentis magnus quasi parturientis.
 Verbum doctrine si tali claudere fine
 50 Assidue cuperem, quod ego bona si qua docerem,
 Ipse prius facerem, tibi sic fortasse placerem.

11 tedeat M. 18 onustum V. 21 hac V. velud M. 23 mala M.
 26 subitum terre M. 27 peccando M. 33 Sedechya V. 37 qui M.
 43 quod V. 44 quia V.